


TEZAU LITURGIC
11 OCTOMBRIE

SLUJBA
SOBORULUI
SF.14 CUVIOȘI
DE LA OPTINA



JORDANVILLE, 1992



Мѣсяца Окто́врія въ 10-й де́нь СЛУЖБА ПРЕПОДОБНЫМЪ ОТЦЕМЪ СТАРЦЕМЪ, ИЖЕ ВЪ ОПТИНѢ ПУСТЫНИ ПОДВИЗАВШИМСЯ

НА ВЕЛИЦѢЙ ВЕЧЕРНИ,

**Поёмъ Блаже́нь мѹжъ: 1-й антифо́нъ. На
Го́споди воззва́хъ: стихи́ры на 8, гласъ 4:
Подобѣ́нь: Я́ко до́бля.**

Преподо́бнии ста́рцы Опти́нстїи,* вы́ и́го
Хри́сто́во взѣ́мше,* посто́мъ и моли́твами* и
ча́стыми бдѣ́нїи потруди́вшеся,* просїа́сте
наде́жду и вѣ́рою,* наипа́че же лю́бовїю,* я́же
е́сть гла́ва до́бродѣ́телемъ,* е́юже
согрѣ́ва́сте* приходя́щїя къ ва́мъ. **[Два́жды.]**

Послуша́нїя усѣ́рднїи подви́жницы,* во́ли своа́
покорив́шии* окормле́нїю оте́цъ свои́хъ,* духо́внѣ
ва́съ породив́шихъ,* воспрїа́сте по́мощь на
сопроти́вника* глубоча́йшее смире́нїе,* и́мже
разруши́сте ко́зни вра́жія,* ничто́же бо мо́жетъ
врагъ* на смире́нныя.

Правосла́вныхъ люде́й окорми́телїе,* вы́
апосто́льски взыва́сте:* ничто́же ны́ разлучи́тъ

отъ любве́ Божіа.* Вы́ хуждшее покорісте
лучшему* и плоть поработісте дѹху,* тѣмъ
явістеся свѣтильницы Цѣркве,* не подъ
спѹдомъ, но на свѣщницѣ поставлени,* да
прославятъ Отца́ Небѣснаго* видящїи дѣла́ ваша.

Ины стихи́ры, гласъ 8.

Подобенъ: О, пресла́внаго чудесе́!

О, пресла́внаго чудесе́!* посредѣ́ житейскіа
молвы́* отцы́ богомѹдри́и* несмущено́ се́рдце
сохрани́ша,* пребывающе́ съ челове́ки
тѣлеснѣ,* мы́сленнѣ́ же Бо́гу
предстояще,* покрыва́еми кро́вомъ крилу́
Его́,* носящїи дѹхъ ми́ренъ,* имже́ мно́ги ко
Христу́ привлеко́ша. **[Дважды.]**

О, моли́твенницы пребога́тіи,* Дѹха́ Свята́го
органи,* глаголюще́ моли́тву непреста́нную* въ
се́рдцѣ сокруше́нномъ и смире́нномъ,* просїа́сте
а́нгельскимъ безстра́стіемъ,* и сего́ ради
показа́стеся* вра́чеве ду́шамъ и
тѣлесемъ,* пощади́те и спаси́те насъ,* мно́гими
страстьми́ обуре́ваемыа.

О, ста́рцы преподо́бніи,* Дѹха́ Свята́го
сосѹди,* дарова́ніи благода́тными* назда́вшии
Цѣрковь Христо́ву,* вы́ поревнова́сте
духо́внымъ,* проро́чества да́ръ
стяжа́вше,* глаголюще́ челове́комъ полѣ́зная* въ

назида́ніе и утѣше́ніе,* проро́комъ дре́внимъ
уподо́бльшеся.

Сла́ва, гла́съ 6:

Узы разрѣ́шите страсте́й,* прилѣ́пите́ся любви́
благі́хъ,* во Хри́ста
облеко́тесь,* воздержаніе́мъ и смире́ніе́мъ
наслѣ́дницы бы́вшие вы́шняго живота,* тѣ́мже
отъ трудо́въ обрѣ́тше упоко́е́ніе,* досто́йно
ра́дуется съ го́рними си́лами,* преподо́бнии
отцы́ Опти́нстіи,* прегрѣ́шеній оста́вленіе
испроси́те* праж́днующи́мъ любви́ю святу́ю
па́мять ва́шу.

**И ны́нѣ, богоро́диченъ, гла́съ тойже: Кт́о Тебе́
не ублажи́тъ...**

**Вхо́дъ, проки́менъ дне́, и чтене́ія три:
Прему́дрости Соломо́ни чтене́іе. [Глава́ 4.]**

Пра́ведникъ, а́ще пости́гнетъ сконча́тися, въ
поко́и бу́детъ. Осу́дитъ же пра́ведникъ умира́яй
живу́щія нечесті́выя. У́зрятъ бо кончи́ну
пра́веднаго и не разуме́ють, что́ совѣща́ша о
не́мъ, я́ко повер́жетъ Госпо́дь нечесті́выя
безгласны́ ни́цъ и поколе́блетъ ихъ отъ
основа́ній, и до послѣ́дняго исче́знутъ въ
болѣ́зни, и па́мять ихъ поги́бнетъ. При́дутъ бо въ
пomyшле́ніе согрѣ́шеній своі́хъ ужа́сни, и
обличи́тъ ихъ сопроти́въ беззако́нія ихъ. Тогда́

станеть въ дерзновѣніи мнозѣ праведникъ предъ лицемъ оскорбившихъ его и отмѣтающихъ труды его. Видѣвше же его, смятутся страхомъ многимъ и ужаснутся о преславномъ спасеніи его. Рекутъ бо въ себѣ, кающесе, и въ тѣснотѣ дѹха воздохнуть и рекутъ: сей бѣ, егоже имѣхомъ нѣкогда въ посмѣхъ и въ притчу поношенія, безумніи, житіе его вѣнѣхомъ неистово и кончину его безчестну. Како вѣнѣся въ сынѣхъ Божіихъ, и во святыхъ жребій его есть? Убо заблудѣхомъ отъ путі истиннаго, и правды свѣтъ не облистѣ намъ, и солнце не возсія намъ. Беззаконныхъ исполнихомся стѣзь и погібели, и ходѣхомъ стезі непроходны, путі же Господня не разумѣхомъ.

Притчей чтеніе. [Глава 10.]

Память праведнаго съ похвалами, и благословеніе Господне на главѣ его. Блаженъ человекъ, иже обрѣте премудрость, и смертенъ, иже увѣдѣ разумъ. Лучше бо сію куповати, нежели злата и сребра сокровища. Честнѣйшая же есть каменій многоцѣнныхъ, все же честное недостойно ея есть. Долгота бо днѣй и лѣта живота въ десницѣ ея, въ шуйцѣ же ея богатство и слава. Отъ устъ ея исходитъ правда, законъ же и милость на языцѣ носить. Послушайте убо менѣ, о чада, честная бо реку, и блаженъ

человѣкъ, иже пути моя сохранить: исходи бо мой — исходи живота, и уготовляется хотѣніе отъ Господа. Сего ради молю васъ и предлагаю мой гласъ сыновомъ человѣческимъ. Яко азъ, премудрость, устроихъ совѣтъ, и разумъ и смыслъ азъ призвахъ. Мой совѣтъ и утверждѣніе, мой разумъ, моя же крѣпость. Азъ менѣ любящія люблю, ищущи же менѣ обрящутъ благодать. Разумѣйте убо, незлобиви, коварство, ненаказаніи же, прилагайте сердца. Послушайте менѣ и паки, честная бо реку, и отверзу отъ устенъ правая, яко истинѣ поучится гортань моя, мерзки же предо мною устны лживыя. Съ правдою вси глаголы устъ моихъ, ничтоже въ нихъ стропотно, ниже развращенно. Вся права суть разумѣвающимъ и проста обрѣтающимъ разумъ. Научаю бо васъ истинѣ, да будетъ о Господѣ надежда ваша, и исполнитесь Духа.

Притчей чтеніе. [Главы 10 и 11.]

Уста праведнаго каплють премудрость, языкъ же неправеднаго погибнетъ. Устнѣ мужей праведныхъ каплють благодати, уста же нечестивыхъ развращаются. Мѣрила льстивая мерзость предъ Господемъ, вѣсь же праведный пріятель Ему. Идѣже аще внидетъ досаждѣніе, тамо и безчестіе, уста же смиренныхъ поучаются премудрости. Совершеніе правыхъ наставить

ихъ, и поползновѣніе отрицающихъся упасѣтъ ихъ. Не пользуют имѣнія въ день ярости, правда же избавитъ отъ смѣрти. Умеръ праведный, остави раскаяніе, нарѣчна же бываетъ и посмѣятельна нечестивыхъ пагуба. Правда непорочнаго исправляетъ пути, въ нечестіе же падаетъ неправда. Правда мужей правыхъ избавитъ ихъ, безсовѣстіемъ же плѣняются беззаконніи. Скончавшуся мужу праведну, не погибнетъ надежда, похвала же нечестивыхъ погибнетъ. Праведникъ отъ лова убѣгнетъ, въ негоже мѣсто предаѣтся нечестивый. Во устѣхъ нечестивыхъ сѣтъ гражданомъ, чувство же праведныхъ благопоспѣшное. Во благихъ праведныхъ исправится градъ, и въ погибели нечестивыхъ радованіе. Во благословеніи правыхъ возвысится градъ, усты же нечестивыхъ раскопаетъ. Ругаетъ гражданомъ лишѣнный разума, мужъ же мѣдрый безмолвіе водить.

На литіи стихи́ра, гласъ 2:

Яви́ намъ дивный во свѣтыхъ своихъ
 Бо́гъ,* новыя подви́жники
 благоче́стія,* преподо́бныя ста́рцы
 Опти́нскія,* иже въ Бо́зѣ пребывающе,* узрѣша
 Христо́ву доброту,* осі́яеми та́йно
 божественными свѣтлосты́ми.

Гласъ 4:

Не да́сте сна́ очесѣмъ ва́шимъ, блаже́ннии,* ни
вѣ́ждомъ дрема́нія,* до́ндеже дости́госте въ
любо́вь Бо́жію,* я́же излі́яся изоби́льно на
вы,* тѣ́мже воспри́ясте божѣ́ственная
дарова́нія,* душе́тѣ́нныя стра́сти исцѣ́ляете,* и
неду́ги вѣ́рою врачу́ете,* и отго́ните скве́рныя
ду́хи,* отцы́ преподо́бнии, моли́те о душа́хъ
нашихъ.

Сла́ва, гласъ 5:

Прии́дите, благоче́стія ревни́тели,* отцы́ на́ша
духо́вныя похва́лимъ:* Леони́да, Моисе́я и
Анто́нія,* Исаа́кія, Мака́рія и Анато́лія,* съ
ними́же Иларіо́на и Варсано́фія,* со Іо́сифомъ
вели́каго Амвро́сія,* ина́го Анато́лія и
Некта́рія,* и му́ченикъ Ни́кона и
Исаа́кія.* Ста́рцевъ вели́кихъ пѣ́сньми
почти́мъ,* къ ни́мже взы́вающе
возопі́имъ:* преподо́бнии отцы́ богому́дри,* не
преста́йте о на́съ моля́щеся,* вы́ бо е́стѣ
засту́пницы на́ши.

**И ны́нѣ, богоро́диченъ, гласъ тойже: Хра́мъ и
двѣ́рь еси́...**

**На стихо́внѣ стихи́ры, гласъ 4: Подо́бенъ:
Зва́нный свѣ́ше.**

Возложи́лся еси́ Вседержи́телю,* о́тче преподо́бне Льве́,* егда́ ду́ша твоя́* распали́ся божественнымъ жела́ніемъ,* и у́мъ тво́й къ горни́мъ окри́ли,* тогда́ ми́ръ оста́вилъ еси́,* и вся́ яже въ ми́рѣ,* и послѣ́довалъ еси́ Христу́* невозвратнымъ по́мысломъ,* ничто́же предпоче́тъ па́че любви́ Его́,* Его́же моли́,* спасти́ и просвѣ́тити ду́ши на́ша.

Стихъ: Че́стна предъ Го́сподемъ* сме́рть преподо́бныхъ Его́.

Отъ юности, преподо́бне Мака́ріе,* Бо́га возлюбивъ,* Тому́ вседу́шно послѣ́довалъ еси́,* ничто́же предпоче́тъ су́щихъ въ ми́рѣ,* но вся́ уме́ты вмѣ́нивъ,* потща́лся еси́ благоугоди́ти Бо́гу,* заповѣ́дми Его́ утвержда́ясь,* тѣ́мже жела́нія ко́нечнаго дости́гъ,* Христу́ предсто́йши,* Его́же моли́* спасти́ и просвѣ́тити ду́ши на́ша.

Стихъ: Что́ возда́мъ Го́сподеви о всѣ́хъ,* я́же воздаде́ ми?

Преподо́бне о́тче Амвро́сіе,* любви́ соверше́нную* къ Бо́гу и бли́жнимъ стяжа́лъ еси́* я́же е́сть сою́зъ соверше́нства,* и сый ино́комъ украше́ніе,* и живу́щимъ въ ми́рѣ утѣше́ніе,* собра́лъ еси́ ино́кинъ чре́ды,* всѣ́мъ бы́въ вся́ по апо́столу,* приве́лъ еси́ ча́да своя́ ко

Влады́цѣ,* Его́же моли́* спасти́ и просвѣ́тити ду́ши на́ша.

Сла́ва, гласъ 8:

Свѣ́томъ Тро́ическимъ осія́вшееся, отцы́ преподо́бніи,* тьмы́ избѣ́жаєте сласте́й,* и свѣ́тильницы яви́стеся, просвѣ́щающе вѣ́рныхъ сердца́,* тѣмъ же свѣ́тоно́сную ва́шу па́мять соверша́юще, согласно́ взыва́емъ:* богоно́сніи и пребога́тіи, моли́те Христа́ Бо́га,* согрѣ́шеній оставле́ніе дарова́ти чту́щимъ святу́ю па́мять ва́шу.

И ны́нѣ, богоро́диченъ, гласъ тойже:

Безневѣ́стная Дѣ́во...

Тропа́рь, гласъ 1:

Въ моли́твахъ непреста́нныхъ пребыва́юще,* благія́ же и злы́я любове́ю объе́млюще, преподо́бніи ста́рцы Опти́нстіи,* Бо́гу и бли́жнимъ послужи́те,* бдѣ́ніемъ, слеза́ми и поще́ніемъ дарова́ніе много́различныхъ чуде́съ прі́ясте.* Сла́ва Да́вшему на́мъ таковы́я хода́тай,* сла́ва Просла́вльшему ва́сь,* сла́ва Бо́гу дивно́му во святы́хъ Свои́хъ.

Сла́ва, и ны́нѣ, богоро́диченъ: Гаврі́илу вѣ́щавшу Тебѣ́, Дѣ́во...

НА УТРЕНИ,

**На Богъ Господъ: тропарь преподобнымъ,
дважды. Слава, и нынѣ, богородиченъ.**

По 1-мъ стихословіи съдаленъ, гласъ 8.

Подобенъ: Повелѣнное.

Страсти безсловесныя душевными силами покорше преподобнии, словесному вашему стаду благодѣянія подаваете, отъ Христа Бога дарованіемъ исцѣленій обогащесе. Тѣмъ же священное ваше и свѣтоносное торжество совершающе, просимъ очищенія душамъ нашимъ. **[Дважды.]**

Слава, и нынѣ, богородиченъ:

Богорадованная, Чистая, Благословенная, за милосердіе щедротъ изъ Тебѣ Рождшагося, съ преподобными отцы и старцы, и со всѣми святыми, о насъ моли непрестанно, дати намъ прѣжде конца прощеніе грѣховъ, и житія исправленіе, яко да обрящемъ милость.

По 2-мъ стихословіи съдаленъ, гласъ 8.

Подобенъ: Повелѣнное.

Великихъ даровъ сподобльшесе, преподобнии, во смиренномъ житіи на земли пожисте, ту не недугующихъ страсти врачующе, явистеся ангеломъ собесѣдницы, всеблаженнии отцы

Оптинстіи, и на́ша стра́сти моли́твами ва́шими
уврачу́йте. **[Два́жды.]**

Сла́ва, и ны́нѣ, богоро́диченъ:

Непости́жимаго Сло́ва Сы́на Бо́жия, несказа́нно
па́че ума́ изъ Тебе́ Ро́ждшагося, Богоро́дице,
моли́ съ преподо́бными, умире́ние чі́сто
вселеннѣй пода́ти, и прегрѣ́шеній дарова́ти на́мъ
пре́жде конца́ прощѣ́ние, и Ца́рствія Небе́снаго,
кра́йнія ра́ди благода́ти, сподо́бити рабы́ Твоя́.

По́ліелей и велича́ние:

Ублажа́емъ ва́съ, преподо́бніи отцы́ Оптинстіи,
и чте́мъ святу́ю па́мять ва́шу, наста́вницы
мона́ховъ и собесѣ́дницы а́нгеловъ.

Псаломъ избранный: **Терпя́ потерпѣ́хъ**
Го́спода...

По по́ліелеи съда́ленъ, гла́съ 1. Подо́бенъ:
Гро́бъ Тво́й, Спа́се.

Неизрече́нна святы́хъ благода́ть, ю́же отъ
Христа́ прія́ша, тѣ́мже вѣ́рою призыва́еми,
неисцѣ́льныя болѣ́зни исцѣ́ляютъ, и мо́щи ихъ
боже́ственною си́лою дѣ́йствуютъ чуде́са;
моли́твами ихъ, Го́споди, и на́съ душе́вныхъ и
тѣ́лесныхъ страсте́й свобо́ди, я́ко
Человѣ́колюбе́ць. **[Два́жды.]**

Сла́ва, и ны́нѣ, богоро́диченъ:

Ма́терь Тя Бо́жію свѣ́мы вси́, Дѣ́ву вои́стину и по ро́ждествѣ́ явля́ющуюся, и́же лю́бовію при́бѣга́ющіи къ Твое́й бла́гости, Тебе́ бо има́мы грѣ́шніи предста́тельство, Тебе́ стяжа́хомъ въ напа́стьхъ спасе́ніе, Еди́ну Всенепоро́чную.

Степе́нна, 1-й антифо́нъ 4-го гла́са. Проки́менъ, гла́съ 4: Че́стна предъ Го́сподемъ* сме́рть преподо́бныхъ Его́. Сти́хъ: Чт́о возда́мъ Го́сподеви о всѣ́хъ, я́же воздаде́ мѣ? [Вся́кое дыха́ніе...] Ева́нгеліе отъ Матѳе́я, за́чало 43.

По 50-мъ псалмѣ́ стихи́ра, гла́съ 6-й:

Все́ отринувше́ стра́стное мучи́тельство, и вся́ко умы́шленіе лука́ваго змія́ попра́вше о Хри́стѣ́, преподо́бніи отцы́ Опти́нстіи, свѣ́тообра́зни яви́стеся, я́ко свѣ́тила озаря́юще всю́ подсо́лнечную, тьму́ отгона́юще, и неду́ги благода́тію врачу́юще, и всѣ́мъ помо́щницы явля́ющеся, вѣ́рою творя́щимъ святу́ю па́мять ва́шу.

Кано́нъ Богоро́дицы на 6, гла́съ 8: Во́ду проше́дь... И преподо́бнымъ на 8, гла́съ тойже.

Пѣснь 1.

Ирмосъ: *Воду проше́дъ́ яко́ су́шу, и Египетскаго́ зла́ избѣ́жавъ́, Израильтянинъ́ вопія́ше: Избавителю́ и Бо́гу на́шему по́ймъ.*

Монашествующимъ вы́ пра́вило естѣ́, въ недѣ́зѣхъ́ су́щимъ и скорб́ящимъ́ исцѣ́лители, и па́стыріе́ заблужда́ющихъ́ овецъ́, ва́мъ научите́ пѣснь́ досто́йно принести́.

Наставники́ на́ша восхваля́юще зове́мъ: вы́ естѣ́ сѣ́мя свято́, преподо́бнии отцы́, земли́ Росси́йскія́ хвалѣ́ніе, и ча́домъ ва́шимъ утвержде́ніе.

Стадоначальниче́ мона́шескихъ́ дворо́въ, чреды́ наста́вивъ́ иноковъ́ къ небѣ́снѣй па́жити, ра́дуйся о́тче на́шъ, Пайсі́е честны́й, наста́вивый́ земли́ Росси́йскія́ концы́.

Слезами́ мно́гими и ско́рбнымъ́ житі́емъ́ Тео́доръ, ино́къ свѣ́рскій, зла́я претерпѣ́, оба́че тве́рдъ и крѣ́покъ сѣ́й умо́мъ, въ болѣ́зньхъ́ сы́на Льва́ духо́вно породі́.

Богоро́диченъ: **О,** Ма́ти Дѣ́во Богоро́дице, Христа́ моли́, вопло́щагося́ изъ́ Тебе́, да сохрани́тъ Росси́йскую́ страну́, и ду́ши на́ша, яко́ ми́лостивъ́, спасе́тъ.

Пѣснь 3.

Ирмосъ: *Небѣснаго кру́га верхотво́рче, Го́споди, и Цѣркве Зижди́телю, Ты́ мене́ утверди́ въ любви́ Твое́й, желáній кра́ю, вѣ́рныхъ утвержде́ніе, еди́не Чело́вѣколю́бче.*

Основáніе твѣ́рдо по́двигомъ положи́лъ еси́, ка́мень краеуго́льный, Христа́, и бы́сть первоначáльный со́нму старцевъ, о Львѣ́, и пріять́ благода́ть отгоня́ти недуги́ отъ лю́тъ страждущихъ.

Вопія́лъ еси́ си́це, о Львѣ́, ко оби́дящимъ: пою́ Бо́гу моему́ донде́же е́смь, кто́ мене́ разлучи́тъ отъ любви́ Его́? въ нейже́ пребы́сть до кончи́ны, соверша́я волю́ Его́ со дерзнове́ніемъ.

Преподобный Мака́рій блаже́нь бы́сть войстину́, насы́ти бо а́лчущихъ ду́ши, ту́не пита́я всѣ́хъ сло́вомъ исполненнымъ благода́ти, потребля́я душе́вный гла́дъ, умиря́я ду́ши страстьми́ обуре́аемыя.

Богородиченъ: **О**тъ Тебе́, Богома́ти, истече́ Потокъ́ сла́дкій, вся́ напая́я лю́ди, скве́рны ду́шъ измыва́я, о Богороди́це Дѣ́во, тѣ́мъ же спаса́й отъ бѣ́дъ всѣ́хъ и́же о́бразъ Тво́й честный́ почита́ющихъ.

Сѣдаленъ, гласъ 4: Подобенъ: Явился еси.

Явистеся Духа Святаго органи, отцы преподобнии, и пророчества дара сподобистеся, ибо въ вашихъ душахъ возсія Свѣтъ неприступный. [Дважды.]

Слава, и нынѣ, богородиченъ:

Яко всѣхъ еси твореній вышшая, воспѣвати Тя достойно недоумѣюще, Богородице, молимъ Тя: ту́не помилуй насъ.

Пѣснь 4.

Ирмосъ: *Услышахъ, Господи, смотрѣнія Твоего таинство, разумѣхъ дѣла Твоя, и прославихъ Твое Божество.*

О, мудрейшій Макаріе, ты восторгалъ еси класы духовныя отъ писаній святыхъ отецъ, и насытилъ еси души алчущихъ.

Ты наставникъ бывъ инокомъ во Предтечи обители, о Антоніе, воздержательнымъ житіемъ, помолися о ты восхваляющихъ.

Мовсее, Антоніе, и по плоти и по духу суща братіе, богомудрии пастыри, вы настависте овцы на пажити.

Богородичень: Богородице Чистая, цвѣте божественный и прозябшій кореню, Ты о насъ непрестанно моли, Богородицу Тя воспѣвающихъ.

Пѣснь 5.

Ирмось: Просвѣти насъ повелѣніи Твоими, Господи, и мышцею Твоею высокою, Твой миръ подаждь намъ, Человѣколюбче.

Пріяты Елисей отъ Іліи благодать сугубую, на тебѣ же, отче Амвросіе, благодать почи отецъ Льва и Макарія.

О, Амвросіе, ты любовь въ себѣ стяжалъ еси, совершеніе добродѣтелей, всѣмъ бо вся былъ еси, и убогимъ прибѣжище.

О, Амвросіе, ты божественною пищею напитаъ еси алчущія сердца, овцы своя упасъ на словеснѣй пажити.

Богородичень: Мати Божія, и заступнице усердная, просвѣти насъ молящихся Тебѣ, присно молящи о насъ, недостойныхъ рабѣхъ Твоихъ.

Пѣснь 6.

Ирмось: Моли́тву пролію ко Господу, и Тому́ возвѣщю́ печали моя, яко золь душа́ моя

исполнися, и животъ мой аду приближися, и молюся, яко Іона: отъ тли, Боже, возведи мя.

Сынъ истинный явился еси Іосифе, стяжавъ родительницу безстрастія, нелицемѣрное послушаніе, и яко кротокъ, чистъ же и милостивъ, смиренно глаголашъ еси: непотребенъ есмь безъ отца моего.

Іосифъ цѣломудренный вѣрно по стопамъ отца своего хождаше: даже до смерти самъ себе смиряше, сие Владыцѣ Христу подражая, сего ради молимъ его: научи и насъ грѣшныхъ смиренію.

Отца своего любовь стяжавъ, Анатоліе, съ нимъ упаслъ еси словесное стадо, и нынѣ, отче, насъ не забуди, овцы своя помяни и настави ихъ, взыщи заблуждающихъ чадъ, наставляя всѣхъ насъ ко спасенію.

Богородиченъ: Заступницу Тя вѣмъ въ животъ моёмъ, и хранительницу тверду Дѣвице, и напастей рѣшащу молвы, и прилоги бѣсовъ отгоняюще, и сие молюся всегда: отъ страстей моихъ мя да избавиши.

Кондакъ, гласъ 8. Подобенъ: Взбранной.

Иже отъ міра суетнаго уклонившеся,* и честнымъ житіемъ сокровище

обрѣтше,* попеченія о грѣшныхъ, сущихъ въ міръ, не оставишь,* но яко суща заблуждающимъ наставницы,* и насъ отъ суеты мірскія избавите, яко да зовѣмъ:* радуйтесь, старцы богомудріи.

Икосъ:

Ангеломъ поревновавше, устранистесь міра, вождельвше въ пустыню вселитися, но и насъ, сущихъ въ міръ еще, не забудите, молимся мы, грѣшніи, да прелести избавышеся, къ вамъ возглаголемъ сице: радуйтесь, врачеве душевныхъ болѣзней; радуйтесь, цѣлители недуговъ тѣлесныхъ; радуйтесь, премудрыхъ разумомъ превосходящи; радуйтесь, немудрыхъ къ разуму наставляющи; радуйтесь, непрестанныя молитвы дѣлательіе; радуйтесь, о грѣшницѣхъ къ Богу ходатаи; радуйтесь, старцы богомудріи.

Пѣснь 7.

Ирмосъ: *Отъ Іудеи дошедше, отроцы въ Вавилонѣ иногда вѣрою Троическою пламень пещный попраша поюще: отцевъ Боже, благословенъ еси.*

Отче Иларіоне, уклонився отъ міра, и вся яже въ немъ оставль и умѣты вмѣнивъ, старцемъ

прилѣпѣся, Леониду съ Мака́ріемъ, вла́сть отъ Христа́ пріять бѣсы прогонѣти.

Утѣша́ше Исаа́кій сострада́тельный ино́къ, иже къ нему́ приходя́щихъ, и си́лою моли́твы отъ злы́хъ ихъ огражда́ше, заступа́я ихъ всячески, я́ко оте́ць или ма́ти сы́й ча́домъ своимъ.

Нѣсть проро́ка безъ че́сти, но въ до́мѣ своемъ то́кмо, всѣхъ бо изгна́ша проро́къ, и ты́ изгна́нъ бы́въ, о́тче, сподо́бися блаже́нства, Варсоно́фіе праведне, изгна́ніе претерпѣ́вый правды ра́ди.

Богородиченъ: Подѣ́ Твою́ ми́лость прибѣ́гающихъ вѣ́рно и покланя́ющихся Твоему́ Сы́ну Богороди́тельнице, помоли́ся Ему́ о насъ, я́ко да изба́вимся отъ бѣ́дъ и искуше́ній.

Пѣснь 8.

Ирмо́сь: *Царя́ Небе́снаго, Егѡ́же пою́тъ вои́ а́нгельстѣи, хвали́те и превозноси́те во вся вѣ́ки.*

Сла́въ вѣ́чнѣй прича́стникъ бы́сть Некта́рій, уклони́вся житѣ́йскія сла́вы, вся́къ бо смиря́я себѣ́ вознесѣ́тся.

Да ублажа́тся отцы́ Анато́лій, Некта́рій, съ ними́ же Исаа́кій и Нѣ́конъ, — за́конно пострада́вше, лику́ють во вся вѣ́ки.

Бы́вше изгна́ни отцы́ отъ отсту́пникъ, не смути́шася, но возопи́ша: на́ше житіе́ на Небесѣхъ е́сть.

Богородиченъ: По́мощи, я́же отъ Тебе́ тре́бующія, не прѣзри Дѣ́во, пою́щія и превознося́щія Тя во вѣ́ки.

Пѣ́снь 9.

Ирмо́съ: *Вои́стинну Богороди́цу Тя исповѣ́дуемъ, спасѣ́ннѣи Тобо́ю, Дѣ́во Чі́стая, съ безплотными́ ли́ки Тя велича́юще.*

Вои́стину стяжа́сте вся́ку добродѣ́тель, дарова́ніе же вся́ко дарова́ся ва́мъ, но спасі́те ста́до ва́ше, моля́щеся за ны́.

О все́мъ благода́рите, за́повѣдь прі́яхомъ, да похва́лимъ Бо́га, я́ко дарова́ль е́сть на́мъ ва́сь, наста́вники свѣ́тыя во Ца́рствіе Егó.

Предста́теліе на́ши, о стра́нѣ Росси́йстѣй помолі́теся прилѣ́жно, и спасі́те всѣ́хъ, и́же па́мѣять ва́шу вѣ́рно соверша́ющихъ.

Богородиченъ: **В**лады́чице Свѣ́таѣ, помога́й на́мъ грѣ́шнымъ, и злы́хъ враго́въ изба́ви Оте́чество на́ше, Тебе́ мо́лимъ, сохрани́ на́сь подѣ́ кро́вомъ Твои́мъ.

Свѣтиленъ. Подобенъ: Небо звѣздами.

Старцы почтимъ богомудрыя, свѣтильники
свѣтлыя, подвижники благочестія, добродѣтелей
учители, о насъ молитвенники вѣры. **[Дважды.]**

Слава, и нынѣ, богородиченъ:

Сладость ангеловъ, скорбящихъ Радость,
христіанъ Предстательнице, Дѣво Мати
Господня, заступи насъ, и избави вѣчныхъ мукъ.

На хвалитехъ стихиры, гласъ 6:

Подобенъ: Все отложше.

Все отложше* о земныхъ попеченіе,* и страстей
мучительство* далече отъ себе
отринувше,* преподобнии отцы богомудрии,* въ
пустыню вселистеса,* и сердце
очистивше,* просвѣтитеса* благодатию,* и яко
свѣтила возсіявше,* просвѣщаете всю
подсолнечную,* тьму отгоняюще отъ
чтущихъ* святую память вашу. **[Дважды.]**

Духовная свѣтила,* на тверди церковный
возсіявшая* въ послѣдняя
времена,* наставляють къ тихому
пристанищу* обуреваемыхъ въ пучинѣ* и
житейскими сладостми
погружаемыхъ,* грѣховную мглу отгоняють,* и
бурю страстей утишаютъ,* и отъ злаго пути

возбра́няють,* приво́дящаго въ па́губу,* и со
дерзнове́ніемъ мо́лятся* о спасе́ніи ду́шъ
нашихъ.

Не къ то́му въ гада́ніихъ,* но істи́ною и
лице́мъ къ лицу,* зерца́ломъ
разрѣ́шшимся,* зрите́ сла́ву Госпо́дню,* ихже
о́чи не ви́дѣша* и у́ши не слы́шаша,* и на се́рдце
человѣ́ческомъ не възидо́ша,* яже угото́ва Бо́гъ
любя́щимъ Его́.* Сихъ бла́гихъ сподо́бльшеся,* и
на́съ не забу́дите,* но мо́лите и на́мъ
спасти́ся,* соверша́ющимъ па́мьять ва́шу.

Сла́ва, гла́съ 8:

Воздвигше крѣ́сть на ра́мена своя,* и плоть
распе́нше со стра́стьми и похотѣ́ми,* со́тросте
зміеву главу́,* и на́съ явите побѣ́дители грѣ́ха,* и
покая́нія досто́йныя пло́ды приноси́ти научите.

И ны́нѣ, богоро́диченъ, гла́съ то́йже:

Влады́чице, пріими́ моли́тву ра́бъ Твои́хъ,* и
изба́ви на́съ отъ вся́кія ну́жды и печа́ли.

**Славосло́віе вели́кое. Тропа́рь, Сла́ва, и
ны́нѣ, богоро́диченъ.**

НА ЛИТУРГИИ,

Блаженна отъ канона, пѣснь 3-я и 6-я на 8.
Прокимень, гласъ 7: Честна предъ
Господемъ* смѣртъ преподобныхъ Его. Стихъ:
Что воздамъ Господеву о всѣхъ, яже воздаде
ми? Апостолъ къ Галатамъ, зачало 213.
Аллилуія, гласъ 6: Блаженъ мужъ, бояйся
Господа, въ заповѣдехъ Его восхощетъ
зѣло. Стихъ: Сильно на земли будетъ сѣмя
Его. Евангеліе отъ Луки, зачало 24.
Причастенъ: Радуйтесь праведнии о Господѣ,
правымъ подобаетъ похвала.

Источникъ: Житія преподобныхъ старцевъ
Оптиной пустыни. — Jordanville: Типографія
преп. Іова Почаевскаго, 1992. — С. 406-416.

